



ETXALARKO UDALA
AYUNTAMIENTO DE ETXALAR

31760 (Nafarroa - Navarra)

ETXALARKO UDAL IGERILEKUEN MANTENIMENDU, GARBIKETA ETA
FUNTZIONAMENDU LANAK ADJUDIKATZEKO DEIALDIA

1.- *Interesatu guztiek beren proposamena aurkezten ahal dute ondoko modalitate edozeinetan:*

Lan kontratua edo autonomo kontratua.

2.- *Deialdi honetan onartua izateko, ondoko baldintzak bete behar dituzte izangaiek:*

- Adinez nagusia izatea.

- Sorosle karnetaren jabe izatea edo Nafarroako Gobernuak eskatutako baldintzak betetzea.

Kasu honetan beharrezko ikastaroak egin beharko dituzte.

- Euskaraz mintzatzea.

- Kontratuaren arabera egin beharreko lanetarako gaitasun fisikoa izatea.

- Administrazio publikoaren edozein lanpostutarako ezgaiturik ez egotea eta hartatik berezia ez izatea.

3.- *Deialdian parte hartzeko eskabideak 2010eko ekainaren 4ko eguerdiko biak baino lehenago aurkeztu behar dira udal idazkaritzan, erantsirik norberaren curriculum-a, lan esperientzia, eta txosten bat zerbitzua eta bestelako jarduerak nola egiteko asmoa duen agertzen duena.*

4.- *Hilabeteko lansari garbia 1.234,70 eurokoa izanen da.*

5.- *Lan kontratuak ekainaren 18an izanen du hasiera eta abuztuaren 30ean bukaera, kontuan hartuz ekainaren 19an irekiko dela jendearendako eta itxi, berriz, abuztuaren 29an. Udal igerilekuak ireki aurretik kontratatuek instalazioak behar bezala jarri behar dituzte, eta denboraldia bukatutakoan erabiltzeko modu egokian utzi.*

6.- *Kontratatuen betebeha rrak honako hauek dira:*

- Instalazioak goizeko 11:00 arratsaldeko 20:00 arte irekiak edukitzea, jai egunak barne.

- Instalazioen mantenimendu eta garbiketa. Horretarako, besteak beste, ondoko lanak egingo dituzte:

a) *Igerilekuko ontziak hustu eta garbitzea, instalazioen eguneroko garbiketa eta desinfekzioa, eta ongi funtzionatzeko behar den guztia.*

b) *Ura indarrean diren aginduen arabera zaintzea, eta kontrol ofizialeko liburuan egunero egindako analisisen emaitzak jasotzea. Hau ere indarrean den araudiaren arabera.*

Aipatutako lanei dagokienez, Udalak edo honen ordezkariak ezartzen dituen jarraibideak beti kontutan artuko dira.

Igerilekuen funtzionamenduari buruzko lege-araudi guztia bete behar dute.

- Igerilekuetara sartzeko sarreren kontrola, Udalak esaten diena eta igerilekuen Erabilera-arautegiak dioena kontuan hartuz

- Pertsona kontratatuei sarrera-txartelak emanen zaizkie, eta haien astero likidazioa eta diru-bilketa zein izan den aurkeztu eta dirua udal Diruzaintzan sartu behar dute.
- Kontratatuari sarreren zenbatekoaren % 25 dagokie, abonua eta Udalak beste zenbait talderekin egin ditzakeen akordioak alde batera utzirik.
- Kontratatuari hileroko ordainsarrietan legezko atxikipean egingen zaizkie. Gizarte Segurantzako Araubide orokorraren arabera, dagokien kotizazioa ordainduko da.

- Jantzitegi zerbitzuaz arduratzea.

- Tabernako instalazioen kudeaketa. Horretatik sor daitezkeen etekin edo galerak kontratatuen esku izanen dira.

- Azaldu beharreko edozein iradokizun edo berrikuntza Udalari jakinaraziko zaio. Udalak, bidezko iruditzen zaion maiztasunarekin, zerbitzua nola ematen den ikuskatuko du.

7.- Indarrean den legerian ezarritako kasuez gain, Udalak kontratua desegiten ahal du, bere ustez hitzartutako baldintzak betetzen ez badira edo zerbitzua txarra bada, eta kontratatuek ez dute inolako kalteordainetarako eskubiderik izanen.

8.- Udalak igerilekua erabili ahalko du iruditzen zaion edozein jardueratarako.

9.- Eskaintza autonomo batek egiten badu, hark eta bere langileek baldintza hauei aplikagarri zaizkien neurrian atxiki beharra dute, eta baita aplikagarri zaizkien zerga eta lan arloko gainerakoei ere.

10.- Baldintza-plegu honek sor dezakeen edozein zalantza Etxalarko Udalak erabakiko du.

Etxalarren, 2010eko maiatzaren 10ean.

Alkatea / El Alcalde

